



APOSTASÍA I MEDIASHON



Lès 11 pa Sèptèmber 13, 2025



“ E ora ei Moisés a bolbe
serka Señor i a bisa, 'Ai, e
pueblo aki a kometé un piká
grandi, i a traha pa nan mes
un dios di oro! Ainda awor, si
Bo lo kier pordoná nan piká —
pero si no, mi ta resa, kitami
for di Bo buki ku Bo a skirbi ”

Eksodo 32:31, 32, NKJV



“ Nan tabata masha lihé pa bandoná e lokual ku Mi a ordená nan ” (Eks. 32:8 NIV).

Pronto despues di a risibi e Dies Mandamentunan, i wòrdu bisá atrobe ku nan no mester traha ídolonan (Eks. 20:23), Israel a traha un bishé di oro pa adorá.

Enfrentando e apostasia aki, Dios a pidi Moisés permit pa destruí Israel i hasié un nashon nobo (Eks. 32:10). Apesar di e pueblo su apostasia, Moisés dos bia a interседé dilanti di Dios pa pidi e pordon ku nan no a merese.



Apostesia:

-  **Aaron su debilidat (Eksodo 32:1-5)**
-  **E Fiesta di e Bishé (Eksodo 32:6)**
-  **E korupshon di idolatria (Eksodo 32:7-8)**



Interseshon:

-  **“ Bira for di Bo rabia feros !” (Eksodo 32:9-29)**
-  **“ Kitami for di e buki ku Bo a skirbi!” (Eksodo 32:30-32)**



APOSTASIA

AARON SU DEBILIDAT

“ Ora ku Aaron a mira esaki, el a traha un altar dilanti di e bishé i a anunsiá, ' Mañan lo tin un fiesta(festival) na Señor' ” (Eksodo 32:5)





Aunke ku e palabra Hebreo *elohim* ta e *plural* di “dios,” e ta wòrdu huzá generalmente pa referí na e úniko Dios: “Ami ta Yehova bo Dios [*elohim*], Kende a sakabo for di e tera di Egipto” (Eks. 20:2).

Den Moisés su ousensia, e pueblo a pidi Aaron pa traha pa nan un *elohim visibel kende nan lo por adorá*. (Eks. 32:1). Pronto nan a lubida e mandamentunan ku nan a risibí i nan kompromiso pa obedese nan (Eks. 24:7).



Aaron su initial hesitashon den purba pa negosha ku e pueblo (Eks. 32:2) a dirigie pa guia e apostasia mas bien ku kaba ku esaki. Enbes di rekòrdá nan di e prohibishon kontra di trahamentu di ídolonan, Aaron a traha pa nan un bishé di oro, i a deklará, “ Esaki ta bo dios [*elohim*] O Israel, ku a sakabo for di e tera di Egipto!” (Eks. 32:4 MEV).



E FIESTA DI E BISHÉ

“ Asina ei e siguiente dia e pueblo a lanta tempran i a sakrifiká ofrendanan kimá i a presentá ofrendanan di ermandat. Despues nan a sinta pa kome i bebe i a lanta pa satisfasé den fiesta alegre(paranda) ” (Eksodo 32:6)

Dor di traha un ídolo den e forma(figura) di un bishé, e Israelitanan a redusí e Dios Todopoderoso na e imagen di un animal, adorando e kreatura enbes di e Kreador (Rom. 1:23).

Nan irashionalmente a pensa ku un imagen grabá(kòrtá) lo por ta kapas di guia nan. Nan asta lo a pensa ku *elohim* mes lo a bira un bishé! (Eksodo 32:24)



De echo, nan a bira for di adora Dios na adorando demoñonan (Deut. 32:17). Mientras nan tabata adorando Dios, nan a krese moralmente, pasombra nan a bira manera Dios.

Dor di adora demoñonan, nan a kuminsá degradá nan mes, pasombra nan a parse e demoñonan ku nan a adorá.

Ora ku nos no duna nos kurason na e Kreador, pero enbes ta sirbi algun otro ídolo (i tin hopi), mas pronto òf mas lat esaki lo guia nos na degradashon moral.



E KORUPSHON DI IDOLATRIA

" E ora ei Señor a bisa Moisés, " Baha bai abou, pasombra bo pueblo, ku bo a saka for di Egipto, a bira korumpí. "' (Eksodo 32:7)



Pa bùig dilanti di un imagen (asta si esaki ta represent Dios mes, Kristu, òf Su santunan) ta pa desobedesé Dios Su Lei (Eks. 20:3-6) i, p'esei, pa drenta den piká i korupshon.

Kiko ta idolatria di siglo 21? Idolatria ta adorando algu ku ta remplasá Dios. Un ídolo ta kualke kos ku ta kapturá nos imaginashon, afekshon, tempu, i mente mas ku Dios, i ku ta sklabisá(dominá) nos pensamentu.

Ki ídolonan nos ta adorá? Bo por traha bo propio lista. Algun sugerensianan: orguyo, plaka, poder, sèks, kuminda, trabou, media soshal...

Kiko adorando e ídolonan aki ta enserá? Nos personalidat, manera di pensa, emoshonnan, i asta nos bida sosial ta wòrdu transformá. Nos ta kambia relashonnan outéntiko ku Dios pa interakshonnan bashí i sin nifikashon ku no por salba nos.





INTERSESHON

“BIRA FOR DI BO RABIA FEROS!”

“ Pakiko e Egipsionan mester bisa, ' Tabata ku mal intenshon ku El a saka nan, pa mata nan den e serunan i pa kita nan for di riba e superfisio di e tera'? Bira for di Bo rabia feros; suavisá(entregá) i no trese disaster riba Bo pueblo! ” (Eksodo 32:12 NIV)



Dios a bisa Moisés ku “ Pasombra BO pueblo, kende ABO a saka for di Egipto, a bira korupto.” (Eks. 32:7).

Moisés a reakshoná apropiadamente: “ Nan no ta mi puerbo, pero di Bo; no tabata ami ku a saka nan, pero Abo” (Eks. 32:11). Dios tabata pidié pa lag'E destruí Israel (Eksodo 32:10), pero Moisés a nenga pa duna un tal permiso.



Dios Su rabia tabata hustu, pero Moisés tabata sa ku “ misericòrdia ta triunfá riba huisio ” (Santiago 2:13). Despues di a intersedé pa Israel, i konfidente ku Dios a pasifiká(kalma) Su rabia, él (rabiá) a baha for di e seru (Eks. 32:12-15). Mirando e apostasia, el a kibra e símbolo di e aliansa: e tablanan di piedra (Eks. 32:19).

Despues di a skucha na su ruman hòmber su ekskiusnan débil, Moisés a aktuá desididamente pa stop e bochincha (Eks. 32:20-28).




“KITAMI FOR DI E BUKI KU BO A SKIRBI!”

“ Pero awor, por favor pordoná nan piká — pero si no, e ora ei kitami for di e buki ku Bo a skirbi!” (Eksodo 32:32 NIV)



Esaki a impliká ku Dios lo tuma piká riba Su mes i karga kune, pagando esaki su preis: morto (Isa. 53:6; Rom. 6:23). Esaki ta presisamente loke ku Hesus a hasi riba e krus. El a tuma nos pikánan riba Su mes asina ku E lo por a muri e morto ku nos a meresé (1 Pedro 2:24).



Ku su promé interseshon, Moisés a prevení e destrukshon di e pueblo. Pero tabata kla ku Dios no por a bendishona nan mas despues di e piká aki. Pesei, el a disidí pa hasi un di dos interseshon (Eks. 32:30).

Moisés tabata dispuesto pa pèrdè su propio salbashon si e pueblo no a wòrdu pordoná (Eks. 32:31-32). Sinembargo, esaki no tabata un pordon normal ku Moisés tabata pidi p’e, pasombra é no a huza e palabra Hebreo di kustumbra pa “ pordona.” El a pidi ku Dios “ ta karga(wanta) ” e pueblo su piká.



“ Durante di e periodo aki di warda, tabatin tempu pa nan meditá riba e lei di Dios kual nan a tende, i pa prepará nan kurason pa risibí e revelashonnan adishonal ku E lo por hasi na nan. Nan no tabatin muchu tempu pa e trabou aki; i si nan tabata buskando asina un komprendementu mas kla di Dios Su rekerimentunan, i humiyando nan kurason dilanti di djÉ, nan lo por a wòrdu protehá for di tentashon. Pero nan no a hasi easki, i pronto nan a bira deskuidá, inatento, i inmoral(sin lei). [...]

Sintiendo nan inkapasidat den e ousensia di nan lider, nan a bolbe na nan superstishonnan bieu. [...] E pueblo a desea algun imagen pa representá Dios, i pa bai nan dilanti, na e lugá di Moisés.”